



An Bhruiséil, 1 Aibreán 2026
(OR. en)

7895/26

DENLEG 24
FOOD 33
SAN 195

NÓTA CLÚDAIGH

ó: An Coimisiún Eorpach
dáta a fuarthas: 30 Márta 2026
chuig: Ardrúnaíocht na Comhairle
Uimh. an doic. ón gCoim.: D111625/02

Ábhar: RIALACHÁN (AE) .../... ÓN gCOIMISIÚN an XXX lena leasaítear Rialachán (AE) 2023/915 a mhéid a bhaineann le huasleibhéil na suime d'fhúrán, de 2-meitíolfúrán agus de 3-meitíolfúrán i mbia gránachbhunaithe próiseáilte do naíonáin agus leanaí óga agus i mbia do naíonáin

Gheobhaidh na toscaireachtaí i gceangal leis seo doiciméad D111625/02.

Faoi iamh: D111625/02



AN COIMISIÚN
EORPACH

An Bhruiséil, **XXX**
PLAN/2018/3821 D111625/02
[...](2025) **XXX** draft

RIALACHÁN (AE) .../... ÓN gCOIMISIÚN

an **XXX**

lena leasaítear Rialachán (AE) 2023/915 a mhéid a bhaineann le huasleibhéal na suime d'fhúrán, de 2-meitíolfúrán agus de 3-meitíolfúrán i mbia gránachbhunaithe próiseáilte do naíonáin agus leanaí óga agus i mbia do naíonáin

(Téacs atá ábhartha maidir le LEE)

RIALACHÁN (AE) .../... ÓN gCOIMISIÚN

an **XXX**

lena leasaítear Rialachán (AE) 2023/915 a mhéid a bhaineann le huasleibhéil na suime d'fhúrán, de 2-meitioifúrán agus de 3-meitioifúrán i mbia gránachbhunaithe próiseáilte do naíonáin agus leanaí óga agus i mbia do naíonáin

(Téacs atá ábhartha maidir le LEE)

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (CEE) Uimh. 315/93 ón gComhairle an 8 Feabhra 1993 lena leagtar síos nósanna imeachta Comhphobail maidir le héilleáin i mbia¹, agus go háirithe Airteagal 2(3) de,

De bharr an mhéid seo a leanas:

- (1) Le Rialachán (AE) 2023/915 ón gCoimisiún² leagtar síos uasleibhéil le haghaidh éilleáin áirithe in earraí bia.
- (2) Is é atá i bhfúrán agus ailcioletúrán, lena n-áirítear meitioifúrán amháil 2-meitioifúrán, 3-meitioifúrán, éilleáin phróisis a fhoirmítear i mbianna le linn na próiseála teirmí.
- (3) In 2017, ghlac an Painéal maidir le hÉilleáin sa Bhiashlabhra den Údarás Eorpach um Shábháilteacht Bia ('an tÚdarás') tuairim eolaíoch maidir leis na rioscaí a bhaineann le láithreach fúrán agus meitioifúrán i mbia don tsláinte phoiblí³. Sa tuairim uaidh, tháinig an Painéal ar an gconclúid go léiríonn na leibhéil reatha nochta d'fhúrán gur ábhar inní don tsláinte é. Maidir le meitioifúrán, tháinig sé ar an gconclúid go bhféadfaidís cur go suntasach leis an nochthead iomlán d'fhúrán agus d'ailecioletúrán agus, dá bhrí sin, go méadófaí an t-ábhar inní sláinte. Mar sin féin, ós rud é nach bhfuil sonraí ann maidir le láithreach meitioifúrán i mbia, mhol an Painéal maidir le hÉilleáin sa Bhiashlabhra sonraí breise a bhailiú sa réimse seo.
- (4) In 2022, ghlac an Coimisiún Moladh⁴ maidir le faireachán arna dhéanamh ag na Ballstáit, i gcomhar le hoibreoírí gnó bia, ar fhúrán, 2-meitioifúrán agus 3-meitioifúrán i mbianna, go háirithe i gcaife, i mbia do naíonáin i gcrúca (lena n-áirítear bia do naíonáin i gcoimeádáin, i bhfeadáin agus i bpúitsí), anraith réidh le hithe, criospaí bunaithe ar phrátaí, i súnna torthaí, i ngránaigh bhricfeasta, i mbrioscaí, i gcaicir agus in arán briosc.

¹ IO L 37, 13.2.1993, lch. 1, ELI: <http://data.europa.eu/eli/reg/1993/315/oj>.

² Rialachán (AE) 2023/915 ón gCoimisiún an 25 Aibreán 2023 maidir le huasleibhéil le haghaidh éilleáin áirithe i mbia agus lena n-aisghairtear Rialachán (CE) Uimh. 1881/2006 (IO L 119, 5.5.2023, lch. 103, ELI: <http://data.europa.eu/eli/reg/2023/915/oj>).

³ Painéal EFSA maidir le hÉilleáin sa Bhiashlabhra, Tuairim Eolaíoch maidir leis na rioscaí don tsláinte phoiblí a bhaineann le láithreach fúrán agus meitioifúrán i mbia. EFSA Journal [Iris EFSA] 2017;15(10):5005, 142 lgh. <https://doi.org/10.2903/j.efsa.2017.5005>.

⁴ Moladh (AE) 2022/495 ón gCoimisiún an 25 Márta 2022 maidir le faireachán a dhéanamh ar láithreach fúrán agus ailcioletúrán i mbia (IO L 100, 28.3.2022, lch. 60, ELI: <http://data.europa.eu/eli/reco/2022/495/oj>).

- (5) In 2024, bhí roinnt fógraí sa Chóras Mear-rabhaidh um Bia don Duine agus d’Ainmhithe (RASFF) maidir le láithreach leibhéal áirithe fúrán, 2-meitioifúrán agus 3-meitioifúrán i mbia do naíonáin ar ábhar inmí iad ó thaobh sláinte de.
- (6) Agus conclúidí na tuairime eolaíche ón bPainéal maidir le hÉilleáin sa Bhiashlabhra á gcur san áireamh, mar aon le hinfhaighteacht na sonraí tarluithe agus na fógraí RASFF, is iomchuí uasleibhéil a shuí maidir le láithreach fúrán, 2-meitioifúrán agus 3-meitioifúrán i mbia gránachbhunaithe próiseáilte do naíonáin agus leanaí óga agus i mbia do naíonáin.
- (7) Dá bhrí sin, ba cheart Rialachán (AE) 2023/915 a leasú dá réir sin.
- (8) Chun ligean d’oibreoírí eacnamaíocha iad féin a ullmhú le haghaidh na rialacha nua i ndáil le bia gránachbhunaithe próiseáilte do naíonáin agus leanaí óga agus i mbia do naíonáin, is iomchuí foráil a dhéanamh maidir le tréimhse réasúnach sula mbeidh na rialacha nua i bhfeidhm. Is iomchuí freisin foráil a dhéanamh maidir le hidirtréimhse le haghaidh bia ina bhfuil fúrán, 2-meitioifúrán nó 3-meitioifúrán, a chuirtear ar an margadh go dleathach roimh dháta chur i bhfeidhm an Rialacháin seo.
- (9) Tá na bearta dá bhforáiltear sa Rialachán seo i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

Leasaítear Rialachán (AE) 2023/915 mar a leanas:

(1) leasaítear Airteagal 10(1) mar a leanas:

(a) cuirtear an méid seo a leanas in ionad an fhrása réamhráitigh:

‘Féadfar bianna a chuirtear ar an margadh go dleathach roimh na dátaí dá dtagraítear i bpointe (a) go (s) a choinneáil ar an margadh go dtí a ndáta íosmharthanachta nó a ndáta éaga.’;

(b) cuirtear an pointe (s) seo a leanas leis:

‘(s) an 1 Eanáir 2028 a mhéid a bhaineann leis na huasleibhéil le haghaidh na suime d’fhúrán, 2-meitioifúrán agus 3-meitioifúrán, arna sloinneadh mar fhúrán, a leagtar amach i bpointe 5.6 d’Iarscríbhinn I’

(2) Leasaítear Iarscríbhinn I i gcomhréir leis an Iarscríbhinn a ghabhann leis an Rialachán seo.

Airteagal 2

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh feidhm aige ón 1 Eanáir 2028.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann an Choimisiúin
An tUachtarán
Ursula VON DER LEYEN